



Broj:02-

Datum:14.04.2021.

Na osnovu člana 39. Statuta Općine Zavidovići ("Sl. glasnik Općine Zavidovići", broj 5/08 i 5a/08), Programa održavanja izložbi poljoprivrednih proizvoda i proizvoda kućne radinosti na području Zavidovića u 2021 godini, broj 08-45-3-68/21. od 18.01.2021. godine, Općinski načelnik Zavidovići objavljuje

JAVNI POZIV

ZA ODRŽAVANJE IZLOŽBI POLJOPRIVREDNIH PROIZVODA I PROIZVODA KUĆNE RADINOSTI NA PODRUČJU ZAVIDOVIĆA U 2021 GODINI

Pozivaju se registrovana udruženja građana iz oblasti poljoprivrede, kućne radinosti i udruženja žena– nevladine organizacije, registrovane i sa sjedištem na teritoriji općine Zavidovići, sa iskustvom u posjetama i organizaciji izložbi i sajmova poljoprivrednih proizvoda, da se prijave u Općini Zavidovići radi organizovanja izložbi poljoprivrednih proizvoda i proizvoda kućne radinosti na području Zavidovića tokom 2021 godine.

Izložbe-sajmovi se mogu organizovati samo na parcelama kč 667 i 666 KO Zavidovići, ulica Hasana Kjačije Prušćaka i to najviše šest puta u toku godine.

Uz prijavu za organizovanje izložbi dostavljaju su slijedeća dokumentacija:

1. Godišnji plan održavanja izložbi sa datumima održavanja istih izložbi, učesnicima na izložbi, sa naznakom da će u ljetnom periodu izložba biti održana i u sklopu manifestacije Ljeto u gradu.
2. Program održavanja izložbe koja će se prva održati, sa troškovnikom, u kojem će navesti sve planirane aktivnosti, uključujući i troškove za koje se mogu dodijeliti i sredstva za podršku od strane Općine Zavidovići za organizovanje izložbe i za nagrade najuspješnijim izlagačima za proizvode.

Ukoliko u istom periodu pristigne više od jedne prijave za održavanje izložbe-sajma pristigle prijave će pregledati općinska Komisija, a o rezultatima će biti uredno obaviješteni svi podnosioci prijava.

Elementi koji se boduju putem Komisije:

1. Kvalitet prijave, što podrazumijeva: jasan program sa ciljevima, jasne ciljne skupine, broj učesnika, precizan i realan budžet, ostvarivost;
2. Reference, što podrazumijeva: iskustvo, članstvo, kadrove, partnere u programu;
3. Promocija domaćih poljoprivrednih proizvoda-marketing;
4. Spremnost na vlastito učešće, što podrazumijeva: rad, sredstva i druge resurse .

Maksimalan iznos bodova je 100, od čega:

1. Kvalitet programa nosi do 30 bodova,
2. Reference nose do 20 bodova,
3. Promocija domaćih poljoprivrednih proizvoda nosi do 30 bodova
4. Spremnost na vlastito učešće nosi do 20 bodova.

Maksimalan broj bodova je 100, a minimalan 70, da bi prijava bila uvrštena na Listu prijava koje zadovoljavaju utvrđene kriterije i imaju potreban broj bodova.

Komisija dostavlja na usvajanje Općinskom načelniku Listu prijava koje zadovoljavaju utvrđene kriterije i imaju potreban broj bodova.

Prijave kojim će subjekti aplicirati na Javni poziv treba da budu dostavljene na aplikacionim obrascima pripremljenim po ovim Kriterijima. Prijave moraju biti potpisane od strane odgovornog lica i sa pečatom udruženja-nevladine organizacije.

Uz prijavu, Godišnji plan i Program organizacije prve izložbe na Javni poziv se dostavlja i slijedeća dokumentacija:

- Izvod iz Registra udruženja,
- Rješenje Ministarstva za pravosuđe i upravu ZE-DO kantona ili drugog nadležnog organa u BiH o registraciji,
- kopija Uvjerenja o poreskoj registraciji (identifikacioni broj)
- Uvjerenje o izmirenim poreskim obavezama, ne starija od šest mjeseci).
- Potvrda o tekućem računu, (ne starija od šest mjeseci).

Sa udruženjem-nevladinom organizacijom, čija prijava bude odabrana kao najbolja, Općinski načelnik će potpisati Ugovor o organizovanju Izložbe domaćih poljoprivrednih proizvoda u Zavidovićima za tekuću godinu.

Prijave sa priloženim dokumentima dostavljaju se u zatvorenoj koverti, putem pošte, ili na protokol u Općini Zavidovići, sa naznakom „Općina Zavidovići, Komisija za organizaciju izložbe poljoprivrednih proizvoda i proizvoda kućne radinosti“.

Rok za podnošenje prijava je deset dana od dana objavljivanja Javnog poziva na Oglasnoj ploči Općine Zavidovići.

OPĆINSKI NAČELNIK
Dr.sci. Hašim Mujanović

Općina Zavidovići, Ulica Safvet-bega Bašagića broj 9, 72220 Zavidovići

Telefon: 032/206-780 info, fax: 032/206-706, www.zavidovici.ba, opcina.zavidovici@zavidovici.ba, opzdici@bih.net.ba,

